

# Послѣдованіе обрученія и венчанія

(упрощ.)

*Достоинно есть*

*Напев подобн  
2 гласа Сѣтныи  
Пустыни*

По-стой, но есть я-ко во-ис-ти-ну блажити Тя, Бого-

-ро-ди-цу, присноблаженную и пренепоро-чну-ю и Матерь

Бо-га на-ше-го, честней-шую Хе-ру-вим и слав-

-нейшую без срав-не-ни-я Се-ра-фим, без исленія Бога Слова

рождшу-ю сушую Богоро-ди-цу, Тя ве-ли-ча-ем.

*Достойно есть* *Треческого распева*

Достойно есть я-ко во ис-ти-ну блажи-ти Тя, Бо-го-ро-  
ди-цу, присно-бла-женну-ю, и прене-по-роч-ну-ю, и Ма-  
терь Бо-га на-ше-го, честнейшу-ю Хе-ру-вим и  
слав-ней-шу-ю без сравне-ни-я Се-ра-фим, без  
истле-ни-я Бо-га Сло-ва рожд-шу-ю, су-  
щу-ю Бо-го-ро-ди-цу, Тя ве-ли-ча-ем.

# "ГРЯДИ, ГРЯДИ"

муз. Дегтярёв.



Болу

# БОГ БОГОВ

Дегтярёв

Бог бо-гов Господь ма-го-ла Бог бо-гов Гос-  
подь ма-го-ла. И при-зва Зем-лю от вос-  
ток солн-ца до за-пад. От си-о-на благодетель кра-со-  
ты Е-го от си-о-на благодетель кра-со-ты Е-го  
Бог бо-гов Гос-подь ма-го-ла и при-зва Зем-лю  
от вос-ток от вос-ток солнца до за-пад от си-





Благослови, Владыко.

И священник: Благословен Бог наш всегда, ныне и присно, и во веки веков.

**Лик: Аминь.**

Диакон Великую ектению: Миром Господу помолимся.

**Лик: Господи, помилуй.** (на каждое прошение)

**Великая ектения.**

Киевская.

① Т.І  
Т.ІІ  
Бар.  
Б.

Гос-по-ди, по - ми - луй. Гос - по-ди, по - ми - луй. Гос - по-ди,

по - ми - луй. Те - бе, Гос - по - ди. А - минь.

О свышнем мире и спасении душ наших, Господу помолимся.

О мире всего міра, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в онъ, Господу помолимся.

О Великом Господине и отце нашем Святейшем Патриархе (имярек), и о господине \_\_\_\_\_ нашем \_\_\_\_\_ преосвященнейшем митрополите (или архиепископе, или епископе) (имярек), честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О рабе Божии, имярек, и рабе Божией, имярек, ныне обручающихся друг другу, и о спасении их, Господу помолимся.

О еже податися им чадом в приятие рода, и всем яже ко спасению прошением, Господу помолимся.

О еже низпослатися им любви совершенней, мирней, и помощи, Господу помолимся.

О еже сохранитися им в единомыслии и твердей вере, Господу помолимся.

О еже благословитися им в непорочном жительстве, Господу помолимся.

Яко да Господь Бог наш дарует им брак честен, и ложе нескверное, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик: Тебе, Господи.**

Возглашение: Яко подобает Тебе всякая слава, честь, и поклонение, Отцу, и Сыну, и Святому Духу, ныне и присно, и во веки веков.

**Лик: Аминь.**

**Таже глаголет молитву велегласно:**

Боже вечный, разстоящаяся собравый в соединение, и союз любве положивый им неразрушимый: благословивый Исаака и Ревекку, и наследники я Твоего обетования показавый: Сам благослови и рабы Твоя сия, имярек и имярек, наставляя я на всякое дело благое.

Яко милостивый и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

Священник: Мир всем.

**Лик: И духови твоему.**

Диакон: Главы ваша Господеви приклоните.

**Лик: Тебе Господи.**

Священник: Господи Боже наш, от язык предобручивый Церковь деву чистую, благослови обручение сие, и соедини, и сохрани рабы Твоя сия в мире и единомыслии.

Тебе бо подобает всякая слава, честь и поклонение, Отцу, и Сыну, и Святому Духу, ныне и присно, и во веки веков.

**Лик: Аминь.**

**Богородице Дево... Строчка**  
(НАРОДНЫЙ ВАРИАНТ)

Бо-го-ро-ди-це де-во, ра-а-дуй-ся, бла-го-дат-ная ма-  
-ри-е, Гос-подь сто-во-ю, бла-го-словенна ты в же-нах, и бла-  
-госло-вен плод чрева тво-е-го, я-ко спаса ро-ди-ла е-  
-си душ на-а-ших

Таже взем священник перстни, дает первое мужу златый, таже серебряный жене. И глаголет мужу:

Обручается раб Божий, имярек, рабе Божией, имярек, во имя Отца, и Сына, и Святаго Духа, аминь.

**Таже и жене глаголет:**

Обручается раба Божия, имярек, рабу Божию, имярек, во имя Отца, и Сына, и Святаго Духа, аминь.

И егда речет на едином коемждо трижды, творит крест перстнем на главах их: и налагает я на десных их перстех. Таже изменяет перстни новоневестных восприемник.

Диакон: Господу помолимся.

**Лик: Господи, помилуй.**

### **Священник же глаголет молитву:**

Господи Боже наш, отроку патриарха Авраама сшествовавший в средоречии, посылая увести господина его Исааку жену, и ходатайством водоношения обруčiti Ревекку открывый. Сам благослови обручение рабов Твоих, сего имярек, и сея имярек, и утверди еже у них глаголанное слово: утверди я еже от Тебе святым соединением. Ты бо из начала создал еси мужеский пол и женский, и от Тебе сочетается мужу жена, в помощь и в восприятие рода человека. Сам убо Господи Боже наш, пославый истину в наследие Твое, и обетование Твое на рабы Твоя, отцы наша, в коемждо роде и роде избранныя Твоя. Призри на раба Твоего имярек, и на рабу Твою имярек, и утверди обручение их в вере и единомыслии, и истине, и любви. Ты бо Господи показал еси датися обручению и утверждатися во всем. Перстнем дадеся власть Иосифу во Египте; перстнем прославися Даниил во стране Вавилонстей; перстнем явися истина Фамары; перстнем Отец наш Небесный щедр бысть на Сына Своего: дадите бо, глаголет, перстень на десницу Его, и заклавше тельца упитанного, ядше возвеселимся. Сама десница Твоя, Господи, Моисея вооружи в Чермном мори; словом бо Твоим истинным небеса утвердишася и земля основася, и десница раб Твоих благословится словом Твоим державным, и мышцею Твоею высокою. Сам убо и ныне, Владыко, благослови перстней положение сие благословением Небесным, и Ангел Твой да предыдет пред ними вся дни живота их.

Яко Ты еси благословляяй и освящаяй всяческая, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

### **Абие диакон ектению:**

Помилуй нас, Боже, по велицей милости Твоей, молим Ти ся, услыши и помилуй.

**Лик: Господи, помилуй, трижды.**

Еще молимся о Великом Господине и отце нашем Святейшем Патриархе имярек, и о господине нашем Высокопреосвященнейшем митрополите (или архиепископе, или епископе) (имярек), и о всей во Христе братии нашей.

**Лик: Господи, помилуй (трижды, на каждое прошение)**

Еще молимся о Богохранимой стране нашей, властях и воинстве ея, да тихое и безмолвное житие поживем во всяком благочестии и чистоте.

Еще молимся о рабах Божиих имярек, и имярек, обручающихся друг другу.

Еще молимся за всю братию и за вся христиане.

Возглас: Яко милостив и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

### **Венчание**

Священник: **Слава Тебе, Боже наш, слава Тебе.**

Блажени вси боящиеся Господа.

Ходящие в путех Его.

Труды плодов твоих снеси.

Блажен еси, и добро тебе будет.

Жена твоя яко лоза плодovitа, во странах дому твоего.

Сынове твои яко новосаждения маслична, окрест трапезы твоея.

Се тако благословится человек бояйся Господа.



Благословит тя Господь от Сиона, и узриши благая Иерусалима вся дни живота твоего.

И узриши сыны сынов твоих: мир на Израиля.

*«СЛАВА ТЕБЕ БОЖЕ НАШ...»*

СЛА-ВА, СЛА-ВА, СЛА-ВА ТЕ-БЕ БО-ЖЕ НАШ, СЛА-ВА ТЕ-БЕ БО-ЖЕ НАШ

СЛА-ВА ТЕ-БЕ БО-ЖЕ НАШ, СЛА-ВА ТЕ-БЕ БО-ЖЕ НАШ, СЛА-ВА ТЕ-БЕ

*ПРОКИМЕН*

## Слава Тебе, Боже

В.Фатеев

Переложение И.Бродяного

Тенор

Бас

Сла-ва Тебе, Бо-же наш, сла-ва Те-бе. Сла-ва, Те-бе, Бо-же наш, сла-ва Те-

бе. Сла-ва Те-бе, Бо-же наш, сла-ва Те-бе.

Т.

Б.

Вопрошает иерей жениха глаголя:

Имаши ли, имярек, произволение благое и непринужденное, и крепкую мысль, пояти себе в жену сию, имярек, юже zde пред тобою видиши?

И отвечает жених, глаголя: **Имам, честный отче.**

Иерей паки: Не обещался ли еси иной невесте?

Жених: **Не обещахся, честный отче.**

И абие иерей, зря к невесте, вопрошает ю, глаголя:



О еже благословитися браку сему, якоже в Кане Галилейстей, Господу помолимся.

О еже податися им целомудрию, и плоду чрева на пользу, Господу помолимся.

О еже возвеселитися им видением сынов и дщерей, Господу помолимся.

О еже дароватися им благочадия восприятию, и незазорному пребыванию, Господу помолимся.

О еже даровати имже и нам вся ко спасению прошения, Господу помолимся.

О еже избавитися имже и нам от всякия скорби, гнева и нужды, Господу помолимся.

Феодосии, иером.

1  
Т.1  
Т.П  
Гос - по - ди по - ми - луй. Гос - по - ди по - ми - луй.

Бар.  
Б.

3  
Гос - по - ди по - ми - луй. 4  
Гос - по - ди по - ми - луй.

5  
Гос - по - ди по - ми - луй. 6  
Гос - по - ди по - ми - луй.

© 2021. Georgy Smirnov. Arrangement and typing.

2  
Великая ектения. Феодосий, иером.

7  
Гос - по - ди по - ми - луй. 8  
Гос - по - ди по - ми - луй.

9  
Гос - по - ди по - ми - луй. 10  
Гос - по - ди по - ми - луй.

11  
Гос - по - ди по - ми - луй. Те - бе Гос - по - ди.

Заступи, спаси, помилуй и сохрани нас, Боже, Твоею благодатию.

Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

**Лик: Тебе, Господи.**

Священник возгласно: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

**Лик: Аминь.**

Диакон: Господу помолимся.

**Лик: Господи, помилуй.**

**Священник молитву сию велегласно:**

Боже Пречистый, и всяя твари Содетелю, ребро праотца Адама за Твое человеколюбие в жену преобразивый и благословивый я, и рекий: раститесь и множитесь, и обладайте землею, и обою ею един уд показавый сопряжением. Сего бо ради оставит человек отца своего и мать, и прилепится жене своей, и будета два в плоть едину, и яже Бог спряже, человек да не разлучает. Иже раба Твоего, Авраама, благословивый и разверзый ложесна Саррина, и отца множества языков сотворивый; иже Исаака Ревекце даровавший, и рождество ея благословивый; иже Иакова Рахиле сочетаваый, и из него дванадесять патриархов показавый; иже Иосифа и Асенефу спрягий, плод детотворения им, Ефрема и Манассию даровавший; иже Захарию и Елисавет приемый, и Предтечу рождение им показавый; иже от корене Иессеова по плоти израстивый Приснодеву, и из нея воплотивыйся, и родивыйся во спасение рода человеческого; иже за неизреченный Твой дар и многую благодать, пришедый в Кану Галилейскую и тамошний брак благословивый; да явиши, яко Твоя воля есть законное супружество, и еже из него чадотворение. Сам, Владыко Пресвятыи, приими моление нас, рабов Твоих, якоже тамо, и zde пришед невидимым Твоим предстательством, благослови брак сей, и подаждь рабом Твоим сим, имярек и имярек, живот мирен, долгоденствие, целомудрие, друг ко другу любовь в союзе мира, семя долгожизненное, о чадах благодать, неувядаемый славы венец. Сподоби я видети чада чадов, ложе ею ненаветно соблюди, и даждь има от росы Небесныя свыше, и от тука земнаго; исполни дома их пшеницы, вина и елеа и всякия благодати, да преподают и требующим, даруя купно и сущим с нима вся яже ко спасению прошения.

Яко Бог милости и щедрот, и человеколюбия еси, и Тебе славу возсылаем со безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков.

**Лик: Аминь.**

Диакон: Господу помолимся.

**Лик: Господи, помилуй.**

**Священник, молитву сию велегласно:**

Благословен еси Господи Боже наш, иже тайнаго и чистаго брака священнодействию, и телеснаго законоположителю, нетления хранителю, житейских благий строителю. Сам и ныне, Владыко, в начале создавый человека и положивый его яко царя твари, и рекий: не добро быти человеку единому на земли, сотворим ему помощника по нему; и взем едино от ребр его, создал еси жену, юже виде Адам, рече: сия ныне кость от костей моих, и плоть от плоти моя; сия наречется жена, яко от мужа своего взята бысть сия. Сего ради оставит человек отца своего и мать, и прилепится жене своей, и будета два в плоть едину; и яже Бог сопряже, человек да не разлучает. Сам и ныне, Владыко Господи Боже наш, низпосли благодать Твою Небесную на рабы Твоя сия, имярек и имярек; и даждь рабе сей во всем повиноватися мужу, и рабу Твоему сему быти во главу жены, яко да проживут по воли Твоей. Благослови я, Господи Боже наш, якоже благословил еси Авраама и Сарру; благослови я, Господи Боже наш, якоже благословил еси Исаака и Ревекку; благослови я, Господи Боже наш, якоже благословил еси Иакова, и вся патриархи;

благослови я, Господи Боже наш, якоже благословил еси Иосифа и Асенефу; благослови я, Господи Боже наш, якоже благословил еси Моисея и Сепфору; благослови я, Господи Боже наш, якоже благословил еси Иоакима и Анну; благослови я, Господи Боже наш, якоже благословил еси Захарию и Елисавет. Сохрани я, Господи Боже наш, якоже сохранил еси Ноя в ковчезе; сохрани я, Господи Боже наш, якоже сохранил еси Иону во чреве китове; сохрани я, Господи Боже наш, якоже сохранил еси святые три отроки от огня, низпославый им росу с небесе; и да приидет на ня радость она, юже имяше блаженная Елена, егда обрете Честный Крест. Помяни я, Господи Боже наш, якоже помянул еси Еноха, Сима, Илию; помяни я, Господи Боже наш, якоже помянул еси святые Твоя четыредесять мученики, низпославый им с небесе венцы; помяни, Боже, и воспитавшие их родители; зане молитвы родителей утверждают основания домов. Помяни, Господи Боже наш, рабы Твоя уневествившиеся, спшедшиеся в радость сию. Помяни, Господи Боже наш, раба Твоего, имярек, и рабу Твою, имярек, и благослови я. Дадь им плод чрева, добродетель, единомыслие душ и телес; возвыси я яко кедр ливанский, яко лозу благородную. Даруй им семя класяно, да всякое самодовольство имущее, изобилуют на всякое дело благое и Тебе благоугодное; и да узрят сыны сынов своих, яко новосаждения масличная окрест трапезы их; и благоугодивше пред Тобою, возсияют яко светила на небеси, в Тебе, Господе нашем. С Тобою же слава, держава, честь и поклонение, безначальному Твоему Отцу, и животворящему Твоему Духу, ныне и присно, и во веки веков.

**Лик: Аминь.**

Диакон: Господу помолимся.

**Лик: Господи, помилуй.**

**И паки священник молитву сию глаголет велегласно:**

Боже Святый, создавый от персти человека, и от ребра его возсоздавый жену, и спрягий ему помощника по нему, за еже тако годно бысть Твоему Величеству, не единому быти человеку на земли: Сам и ныне, Владыко, низпосли руку Твою от святого жилища Твоего, и сочетай раба Твоего сего, имярек, и рабу Твою сию, имярек, зане от Тебе сочетается мужу жена. Сопрязи я в единомудрии, венчай я в плоть едину, даруй има плод чрева, благочадия восприятие.

Яко Твоя держава и Твое есть Царство, и сила, и слава, Отца, и Сына, и Святого Духа, ныне и присно, и во веки веков.

**Лик: Аминь.**





Прием священник венцы, венчает первее жениха, глаголя:

Венчается раб Божий, имярек, рабе Божией, имярек, во имя Отца, и Сына, и Святаго Духа, аминь.

Таже венчает и невесту, глаголя:

Венчается раба Божия, имярек, рабу Божию, имярек, во имя Отца, и Сына, и Святаго Духа, аминь.

Таже благословляет я трижды, глаголя трижды:

Господи Боже наш, славою и честию венчай я.

Диакон: Вонмем.

Священник: Мир всем.

**Людие: И духови твоему.**

Диакон: Премудрость

Таже прокимен Апостола, глас 8:

**Положил еси на главах их венцы, от каменей честных, / живота  
просиша у Тебе, и дал еси им.**



**Стих: Яко даси им благословение в век века, возвеселиши я  
радостью с лицом Твоим.**

Посем диакон: Премудрость.

И чтец: **К Ефесеем послания святого Апостола Павла чтение.**

И паки диакон: Вонмем.

**Братие, благодаряще всегда о всех, о имени Господа нашего Иисуса Христа, Богу и Отцу: повинующеся друг другу в страхе Божии. Жены своим мужем повинуйтесь, якоже Господу: зане муж глава есть жены, якоже и Христос глава Церкви, и Той есть спаситель тела. Но якоже Церковь повинуется Христу, такожде и жены своим мужем во всем. Мужие, любите своя жены, якоже и Христос возлюбил Церковь, и Себе предаде за ню: да освятит ю, очистив банею водною в глаголе. Да представит ю Себе славному Церковь, не имущу скверны, или порока, или нечто от таковых, но да есть свята и непорочна. Тако должны суть мужие любить своя жены, яко своя тела: любяй бо свою жену, себе самого любит. Никтоже бо когда свою плоть возненавидел, но питает и греет ю, якоже и Господь Церковь: зане уди есмы тела Его, от плоти Его, и от костей Его. Сего ради оставит человек отца своего и мать, и прилепится к жене своей, и будет два в плоть едину. Тайна сия велика есть: аз же глаголю во Христа и во Церковь. Обаче и вы по единому, кийждо свою жену сице да любит, якоже и себе, а жена да боится своего мужа.**

Священник: Мир ти.

И чтец: И духови твоему.

Диакон: Премудрость.

Аллилуиа, глас 5.

Стих: Ты Господи сохраниши ны и соблюдеши ны от рода сего, и во век.

Диакон: Премудрость, прости, услышим святого Евангелия.

Священник: Мир всем.

**Людие: И духови твоему.**

Священник: От Иоанна святого Евангелия чтение.

**Лик: Слава Тебе, Господи, слава Тебе.**

Диакон: Вонмем.

**Евангелие от Иоанна, зачало 6.**

Во время оно, брак бысть в Кане Галилейстей, и бе Мати Иисусова ту. Зван же бысть Иисус и ученицы Его на брак. И не доставшу вина, глагола Мати Иисусова к Нему: вина не имут. Глагола Ей Иисус: что есть Мне и Тебе, жено? Не у прииде час Мой. Глагола Мати Его слугам: еже аще глаголет вам, сотворите. Беху же ту водоносы каменни шесть, лежаще по очищению иудейску, вмещающия по двема или трием мерам. Глагола им Иисус: наполните водоносы воды. И наполниша их до верха. И глагола им: почерпите ныне, и принесите архитриклинови. И принесоша. Якоже вкуси архитриклин вина бывшего от воды, [и не ведяше откуда есть: слуги же ведяху почерпшии воду,] пригласи жениха архитриклин. И глагола ему: всяк человек прежде доброе вино полагает, и егда упиются, тогда худшее: ты же соблюл еси доброе вино доселе. Се сотвори начаток знамением Иисус в Кане Галилейстей, и яви славу Свою, и вероваша в Него ученицы Его.

Священник: Мир ти, благовествующему.

**Лик: Слава Тебе, Господи, слава Тебе.**

Диакон: Рцем вси от всея души, и от всего помышления нашего рцем.

**Лик: Господи, помилуй.**


Господи Вседержителю, Боже отец наших, молим Ти ся, услыши и помилуй.

**Лик: Господи, помилуй.**

Помилуй нас, Боже, по велицей милости Твоей, молим Ти ся, услыши и помилуй.

**Лик: Господи, помилуй** (трижды на каждое прошение)

12



Еще молимся о милости, жизни, мире, здравии, спасении, посещении, прощении и оставлении грехов рабов Божиих, имярек, и поминает ихже хочет.

**Лик: Господи, помилуй, трижды.**

Возглас от священника: Яко милостив и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

Диакон: Господу помолимся.

**Лик: Господи, помилуй.**

**Священник молитву сию:**

Господи Боже наш, во спасительном Твоем смотреии, сподобивый в Кане Галилейстей, честный показать брак Твоим пришествием: Сам ныне рабы Твоя, имярек, и имярек, яже благоволил еси сочетаватися друг другу, в мире и единомыслии сохрани, честный их брак покажи, нескверное их ложе соблюди, непорочное их сожителство пребывать благоволи, и сподоби я в старости маститей достигнути, чистым сердцем делающа заповеди Твоя.

Ты бо еси Бог наш, Бог еже миловати и спасати, и Тебе славу возсылаем, со безначальным Твоим Отцем, и всесвятым, и благим, и животворящим Твоим Духом, ныне и присно, и во веки веков.

**Лик: Аминь.**

Диакон: Заступи, спаси, помилуй и сохрани нас, Боже, Твоею благодатию.

**Лик: Господи, помилуй** (на каждое прошение)

13



Дне всего совершенна, свята, мирна и безгрешна, у Господа просим.

Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших, у Господа просим.

Добрых и полезных душам нашим, и мира мірови, у Господа просим.

Прочее время живота нашего в мире и покаянии скончати, у Господа просим.

Христианския кончины живота нашего, безболезненны, непостыдны, мирны, и доброго ответа на страшнем судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

**Лик: Тебе, Господи.**

Священник возглашает: И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати.

**Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

The musical score is written for Tenor (Ten.) and Bass (Bas.) voices. It is in G major (one sharp) and 4/4 time. The score is divided into three systems, each with measures 1 through 10. The first system is marked *Semplice* and *pp*. The second system is marked *poco cresc.* and *poco allarg.*. The third system is marked *a tempo* and *pp*. The lyrics are in Russian: "Отче наш иже еси на небесех, да святится имя Твое, да приидет царствие Твое, да будет воля Твоя, яко на небеси и на земли;". The score includes various musical markings such as *pp* (pianissimo), *poco cresc.* (a little crescendo), *poco allarg.* (a little allargando), and *a tempo*. There are also dynamic markings like *pp* and *pp* at the beginning of the third system. The score is written for Tenor and Bass voices, with the Tenor part on a treble clef and the Bass part on a bass clef. The lyrics are written below the staves.

7 *cresc. poco allarg.*

Ten. 8 Хлеб наш насущный даждь нам днесь и ос - та - ви нам долги на - ша,

Bas. 8

9 *a tempo*

Ten. 8 я - ко - же и мы ос - тав - ля - ем должником на - шим,

Bas. 8

10 *p*

Ten. 8 и не вве - ди нас во ис - ку - ше - ни - е,

Bas. 8 *p*

11 *rit.*

Ten. 8 но из - ба - ви нас от лу - ка - ва - го.

Bas. 8

Священник возглашает: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

**Лик: Аминь.**

Священник: Мир всем.

**Лик: И духови твоему.**

Диакон: Главы ваша Господеви приклоните.

**Лик: Тебе Господи.**

Таже приносится общая чаша, и благословляет ю священник, и глаголет молитву сию:

Диакон: Господу помолимся.

**Лик: Господи, помилуй.**

Священник: Боже, вся сотворивый крепостию Твоею, и утвердивый вселенную, и красивый венец всех сотворенных от Тебе, и чашу общую сию подавая сочетаваящимся ко общению брака, благослови благословением духовным.



Возгласно: Яко благословися Твое имя, и прославися Твое Царство, Отца, и Сына, и Святаго Духа, ныне и присно, и во веки веков.

**Лик: Аминь.**

Таже взем священник в руку общую чашу, преподает им трижды: первое мужу, и потом жене.

*«Дщери Сионе»*

Дщери Си-оне и сы-но-ве. Си-о — не си-о-не При-дите и ви-дите ца-  
ря Со-ло-мона в вен-це внемже венча Е-го МАТИ, внемже венча Е-го МАТИ  
МА-ТИ ВАЕНЬ ЖЕНИТЬБЫ Е-го

И абие прием я священник, куму держащу создаи венцы, обращает яко образом круга. И поет священник, или людие настояция тропари, во глас 5:

Исаие, ликуй, / Дева име во чреве / и роди Сына Еммануила, / Бога же и Человека, / Восток имя Ему, / Его же величающе, / Деву ублажаем.

**Лик:**

Святии мученицы, / добре страдальчествовавшии, и венчавшиися, / молитесь ко Господу, / помиловатися душам нашим.

Слава Тебе, Христе Боже, / апостолом похвало, / мучеников радование, / ихже проповедь, Троица Единосущная.

И-СА-и-е ли-куй Де-ВА И-ме во чре-ве, и  
-ме во чре-ве и ро-ди Сы-на Эмма-ну-и-ла Бо-га  
и че-ло-ве-ка Во-сток И-мя Е-му, Во-сток И-мя Е-му, Е-  
-го же ве-ли-ча-ю-ще Де-ву у-бла-жа-ем.

Свя-ти-и му-че-ни-цы, Свя-ти-и му-че-ни-цы, И-же до-  
-бре стра-да-вше и вен-ча-вше-ся, мо-ли-те-ся ко Господу, мо-



Таже взем венец жениха, глаголет:

Возвеличися женише якоже Авраам, и благословися якоже Исаак, и умножися якоже Иаков, ходяй в мире, и делаяй в правде заповеди Божия.

И внемгда взяти венец невесты, глаголет:

И ты, невесто, возвеличися якоже Сарра, и возвеселися якоже Ревекка, и умножися якоже Рахиль. Веселящися о своем муже, хранящи пределы закона: зане тако благоволи Бог.

Диакон: Господу помолимся.

**Лик: Господи, помилуй.**

**Священник молитву:**

Боже, Боже наш, пришедый в Кану Галилейскую, и тамошний брак благословивый, благослови и рабы Твоя сия, Твоим промыслом ко общению брака сочетавшихся: благослови их входы и исходы, умножи во благих живот их:

восприими венцы их в Царствии Твоем, нескверны, и непорочны, и ненаветны соблюдаяй, во веки веков.

**Лик: Аминь.**

Священник: Мир всем.

**Лик: И духови твоему.**

Диакон: Главы ваша Господеви приклоните.

**Лик: Тебе Господи.**

**И молится священник:**

Отец, Сын, и Святый Дух, всесвятая, и единосущная, и живоначная Троица, едино Божество и царство, да благословит вас, и да подаст вам долгожитие, благочадие, преспеяние живота и веры, и да исполнит вас всех сущих на земли благих: да сподобит вас и обещанных благ восприятия, молитвами Святыя Богородицы, и всех святых, аминь.

Рекшу диакону: Премудрость.

[Священник: Пресвятая Богородице, спаси нас.]

**Лик: Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.**

Священник: Слава Тебе, Христе Боже, упование наше, слава Тебе.

**Лик: Слава, и ныне: Господи, помилуй, трижды. Высокопреосвященнейший Владыко, благослови.**

**Священник отпуст:**

Иже в Кане Галилейстей пришествием Своим чистен брак показавый, Христос, истинный Бог наш, молитвами Пречистыя Своея Матере, святых славных и всехвальных Апостол, святых боговенчаных царей и равноапостолов, Константина и Елены, святого великомученика Прокопия, и всех святых, помилует и спасет нас, яко благ и человеколюбец.

Возглашает многолетие





При-и-ди-те поклоним - - - ся и при-падем ко Христу, спа-

- си нас, Сыне Бо - - - жий во святых дивен сый поющия Ти,  
молитвами Богородицы

Аллилу-и-я, Аллилу - - и - я, Ал-ли-лу-и-я.

48

архим. Матфея

5. Многа-я, многая, мно-га-я лета, многа-я ле-та



① Многолетие (XVII век) Мюз. д. Титова (м.н)



Составитель Кира Молева